

**Ineqarnermut, Attaveqarnermut Aatsitassanullu Naalakkersuisoq Jørgen Wæver Johansen****/MAANI****Inatsisartut Attaveqatigiinnermut Ineqarnermullu Ataatsimiititaliaanni pingasunngornermi ulloq 18. oktober inersuarmi ataatsimiinnerup kinguninngua 10 min. qaangiunneranni Inatsisartut ataatsimiittarfianni 2-mi isumasioqatigiilluni ataatsimiinnissamut aggeqqusissut.**

Ineqarnermut, Attaveqarnermut Aatsitassanullu Naalakkersuisoq Jørgen Wæver Johansen Inatsisartut Attaveqatigiinnermut Ineqarnermullu Ataatsimiititaliaata isumasioqatigalugu ataatsimeeqatiginissaa kissaatigaa.

Inatsisartut peqqussutissaattut siunnersuut UKA 06/45, Inissianik attartortitsisarneq pillugu Inatsisartut peqqussutissaata allanngortinneqarnera pillugu Inatsisartut peqqussutissaattut siunnersuut ataatsimiititaliap maannakkut suliarileruttorpaa. Ataatsimiititaliap tassunga atatillugu siunnersuummi § 1, nr. 8 immikkut maluginiarsimavaa. Pisortat inissiaataanni attartortittakkani iluarsaanerup annertusarneqarnissaanut attartortunut annertunerusumik akileeqqussuteqarnissamut aalajangersagaq taaneqartoq tunngavissiisorinarpoq.

Iluarsaassinissamut pilersaarummi 2000-imeersumi pisortat inissiaataat aserfallassimasut takuneqarsinnaavoq. Tamakkiisumik iluarsaassinissaq 2.000 mio. kr.-inik akeqartussatut pilersaarummi missiliorneqarput. Tamatuma saniatigut iluarsaassinissamik suliassat suliarineqassappata kontomi pingaarnermi 87.72.08-mi 2017 tikillugu ukiumut 120. mio. kr-it immikkoortinneqartassasut aningaasanut inatsisissatut siunnersuummi takuneqarsinnaavoq.

Ukiut amerlanngitsut ingerlaneranni annertuumik nutarterisoqangippat isaterisoqangippalluunniit inissiat ilarpassui *"ukiut qulikkaartut ingerlanerini attartortittassatut naleqqukkunnaassapput"*.

Iluarsaassinissamut pilersaarummi 2000-imeersumi kontomi pingaarnermi 87.72.13-imi, Immikkut ittumik iluarsartuussinermut tunngasumi, aamma allassimavoq *"Suliassap piffissap naatsorsuutigineqartup iluani naammassinissaannut aningaasanik naammattunik immikkoortitsisinnaaneq"*

Dato 17. oktober 2006
Sags.nr.
01.37.01.04-
00002

Inatsisartut
Allattoqarfiat /
Landstingets Bureau
Postboks 1060
3900 Nuuk
Oq/tel +299 34 50 00
Fax +299 32 46 06
Landstinget@gh.gl
www.nanoq.gl

maannamut pisinnaasimangilaq. Iluarsaassinermik suliassap ukioq 2021-imi naammassineqarnissaa naluneqanngitsutut pilersaarummi naatsorsuutigineqarsimavoq.

Kiisalu pisortat attartortittagaanni aningaasatigut iluanaarutit sanaartukkat ingerlaavartumik aserfallatsaalineqarnissaasa qulakkeerneqarnissaanut naammassimangitsut tamanit naluneqanngilaq.

Tamanna tunngavigalugu ataatsimiititaliap apeqqutit tulliuuttu oqallisiginissaat kissaatigaa:

1. Namminersornerullutik Oqartussat iluarsaassinermi kinguaattoorutaasa 2 milliardit kroningajannngorsimanerannut suna tunuliaqutaava?
2. Iluarsaassinermi kinguaattoorutit tamakkiisut ilaasaluunniit attartortunit aningaasalersorneqarnissaat § 1, nr. 8-mi aalajangersagaq aqqutigalugu Naalakkersuisut siunertaraat?
3. Iluarsaassinissamik pisariaqartitat tamakkiisut ukiumut 120 mio. kr-inik annertussuseqartut attartortunut tutsinneqarpata, tamanna inimit akiliummut qanoq sunniuteqassava?
4. Iluarsaassinermut atatillugu aningaasartuutit attartortunut tutsinneqassanngippata iluarsaassinermi kinguaattoorutit iluarsiiffiqineqarnissaannut Naalakkersuisut isiginninnerat malillugu periarfissat allat aalajangersimasut suuppat?
5. § 1, nr. 14-imi maalaarsinnaanermut killiliinerup inissat pillugit maalaarutitut atatillugu innuttaasut inatsisitigut illersugaanerit annikillisippaa?

Inussiarnersumik inuulluaqqusillunga

Godmand Rasmussen
Ataatsimiititaliap siulittaasua